

علي راح

علي راح.. يا زينب قومي سنديني علي راح علي راح تعالي وعاونيني نشد الجراح

اشيله شلون لامه أخاف تموت يمه أخاف تموت يمه علي راح

تعالي يا اختي يا زينب تعالي انقطع راس الولد يا اختي قبالي

تعالي وعاونيني وهذا حالي انكتب جدامي تتذبح اعيالي

علي راح.. اجيتج بس ادق الراح بالراح

علي راح شفتهم قطعوه قبالي برماح

دليل امه من الجمه.. أخاف تموت يمه أخاف تموت يمه علي راح

إذا أنا أبوه وما عرفته.. أودي شلون يا اختي لأمه جتته

أخاف أعلى قلبها وقلب اخته شفت كسروها يا زينب يمنتة

علي راح احترق قلبي عليه ويضحك الذباح علي راح يا زينب لحم ابني تقطع اصفاح

الولد مطحون عظمه أخاف تموت يمه أخاف تموت يمه علي راح

يا زينب بالبواجي ساعديني على ابني ليت ما فتحت عيني

على صدرج يا اختي يا زينب خذي شفت واحد يغط رمحه جنيني

علي راح يا خيه خذي بلجي بصدرج ارتاح علي راح يا زينب وزعوه بأنواع السلاح

على امك ضيع رسمه أخاف تموت يمه أخاف تموت يمه علي راح

يازينب حيل قاسي الحز وريده بخنجر قام يفصل اصبع ايده

وواحد حرق قلبي بالعضيده ميت علي ويضربه بحديدة

علي راح احس قلبي وقف لمن علي طاح علي راح على ذبحه تناوبوا مية ألف سفاح

إذا لليلي أسلمه أخاف تموت يمه أخاف تموت يمه علي راح

يا زينب شفت منظر هز كياني لباقي عمامته انطاها للثاني

وشفت واحد يرفسه بلا تواني وواحد يضحك و يشتمني آني

علي راح الزلم ياختي يا زينب كلش وكاح علي راح الخصم يرقص صُبح من حس النياح

اعلى ليلي كبير همه أخاف تموت يمه أخاف تموت يمه علي راح

يا زينب علي بمصابه جرحني ابتسم في وجهي ومات وتركني

اعصرت عيني ياريت بحلق ابني ورحلت اركض له بس حتفه سبقني

علي راح ذبحني من رفع حسه إلي وصاح علي راح سبقني الموت إله وطفا لي مصباح

أملها امه يهدمه أخاف تموت يمه أخاف تموت يمه علي راح